

武英殿聚珍版丛书

天

地

人

物

事

理

法

義

直齋書錄解題卷十二

宋 陳 振 孫 撰

神仙類

列仙傳二卷

漢劉向撰凡七十二人每傳有贊似非向本書西漢人文章不爾也館閣書目三卷六十二人崇文總目作二卷七十二人與此合

周易參同契三卷

後漢上虞魏伯陽撰其書因易以言養生後世言脩

鍊者祖之

參同契分章通真義三卷明鏡圖訣一卷

真一子彭曉秀川撰蜀永康人也序稱廣政丁未以
參同契分十九章而爲之注且爲圖八環謂之明鏡
圖曩在麻姑山傳錄其末有秀川傳注綱會稽所刻
本其前題祠部員外郎彭曉蓋據祕閣本云爾麻姑
本附傳亦言仕蜀爲此官

參同契攷異一卷

朱熹撰以其詞韻皆古奧雅難通讀者淺聞妄輒更

改比他書尤多舛誤合諸本更相讎正其諸同異皆
竝存之

金碧古文龍虎上經一卷

不著名氏麻姑所錄本無金碧字

黃庭內景經一卷外景經一卷

案文獻通攷作三卷

務成子注是南嶽魏夫人所受者魏舒之女也

真誥十卷

梁華陽隱居陶宏景撰述楊羲許邁許玉斧遇仙真

傳受經文等事

參同契解一卷

題紫陽先生不知何人

內景中黃經一卷

案文獻通攷作二卷

題九仙君撰中黃真人注亦名胎藏論

靈樞金鏡神景內經十卷

稱扁鵲注

上清天地宮府圖經二卷

唐司馬子微撰

中誠經一卷

稱黃帝赤松子問荅蓋假託也

幽傳福善論一卷

唐孫思邈撰

元綱論一卷

唐中岳道士吳筠撰

續仙傳三卷

唐溧水令沈汾撰或作玠

道教靈驗記二十卷

蜀道士杜光庭撰

王氏神仙傳一卷

案文獻通攷作四卷

杜光庭撰當王氏有國時爲此書以媚之謂光庭有道吾不信也

西山羣仙會真記五卷

九江施肩吾希聖撰唐有施肩吾能詩元和中進士也而曾慥集仙傳稱呂巖之後有施肩吾者撰會真記蓋別是一人也

鍾呂傳道記三卷

施肩吾撰敘鍾離權雲房呂巖洞賓傳授論議

養生真訣一卷

虞部員外郎耿肱撰大中祥符時人

雲笈七籤一百二十四卷

案文獻通攷作一百二十卷

集賢校理張君房撰凡經法符籙脩養服食以及傳記無不畢錄祥符中君房貶官會推崇聖祖朝廷以祕閣道書付杭州俾戚綸等校正王欽若薦君房專其事銓次爲此書頃於莆中傳錄纔二冊蓋略本也後於平江天慶道藏得其全錄之

靈樞道言發微二卷

朝議大夫致仕傅燮撰進專言火候

金液還丹圖論一卷

不著名氏自稱元真蓋宣和中道流也

悟真篇集注五卷

天台張伯端平叔撰一名用成熙寧中遇異人於成都所著五七言詩及西江月百篇末卷爲禪宗歌頌以謂學道之人不通性理獨脩金丹則性命之道未全有葉士表袁公輔者各爲之注

還丹復命篇一卷

毗陵僧道光撰亦擬悟真詩篇靖康丙午序

道樞二十卷

曾慥端伯撰慥自號至游子采諸家金丹大藥脩鍊
般運之術爲百二十二篇初無所發明獨黜採御之
法以爲殘生害道云

集仙傳十二卷

曾慥撰自岑道願而下一百六十二人

肘後三成篇一卷

稱純陽子謂呂洞賓也其言小成七中成六大成五

正齋書金角是
卷二十二
皆導引吐納脩鍊之事

日月元樞篇一卷

稱劉知古唐明皇時緜州昌明縣令

太白還丹篇一卷

稱清虛子太白山人唐貞元時人

太清養生上下篇二卷

稱赤松子甯先生

上清金碧篇一卷

稱煙蘿子

金虎鉛汞篇一卷

稱元君

鉛汞五行篇一卷

稱探元子已上七種共爲一集

玉芝書三卷

朝元子陳舉撰上卷論五篇中爲詩八十一首下爲

賦九道

純陽真人金丹訣一卷

卽前所謂三成篇微不同

華陽真人祕訣一卷

稱施肩吾

呂真人血脈論一卷

稱傅婁景先生

遠山崔公入藥鏡三卷

不知何人

四象論一卷

稱老子

真仙傳道集三卷

案此條疑脫解題

參同契三卷

卽魏伯陽書題九華子編

巨勝歌一卷

道士柳沖用撰

逍遙子通元書三卷

不知姓名但曰逍遙子

百章集一卷

稱魏伯陽

案此條原本脫去今據文獻通攷補入
與後條所云已上十八種共數乃符

許先生十二時歌一卷

不知其名

黃帝丹訣玉函祕文一卷

文林郎蒲庚進

呂公窑頭坯歌一卷

以陶器爲喻也

太上金碧經一卷

題魏伯陽注

金鏡九真玉書一卷

無名氏

龍虎金液還丹通元論一卷

稱羅浮山蘇真人撰

金碧上經古文龍虎傳

長白山人元陽子注皆莫知何人已上十八種共爲
一集其中有龍牙頌及天隱子各已見釋氏道家類
羣仙珠玉集一卷

其序曰西華真人以金丹刀圭之訣傳張平叔作悟
真篇以傳石得之薛道光陳泥丸至白玉蟾玉蟾者
葛其姓福之閩清人嘗得罪亡命蓋姦妄流也余宰